

## **Manylion cyswllt Gwasanaethau Dyfarniadau Myfyrwyr:**

**Gwefan:** [pcgc.gig.cymru/ein-gwasanaethau/gwasanaethau-dyfarniadau-myfyrwyr/](http://pcgc.gig.cymru/ein-gwasanaethau/gwasanaethau-dyfarniadau-myfyrwyr/)

**E-bost:** [abm.sas@wales.nhs.uk](mailto:abm.sas@wales.nhs.uk)

**Ffôn:** 029 2090 5380

**Twitter:** @NWSSPSAS

### **Gwybodaeth a Chanllawiau ar gwblhau eich Cais**

## **Darparw(y)r Gofal Plant neu Anghenion Gofal Plant**

**Ni allwch ond gwneud cais am y Lwfans Gofal Plant os ydych wedi gwneud cais yn gyntaf ar gyfer y Lwfans Dibynyddion drwy eich cyfrif BOSS ar-lein.**

### **Newidiadau i'ch Darparwr Gofal Plant neu Anghenion Gofal Plant**

Mae'n bwysig eich bod yn rhoi gwybod i ni cyn gynted ag y bo modd os bydd eich anghenion gofal plant neu ddarparwr gofal plant yn newid er mwyn sicrhau eich bod yn derbyn y lwfans gofal plant cywir. Os na wnewch hyn, gallech gael swm anghywir a bydd yn rhaid ad-dalu unrhyw ordaliadau.

Os, ar ôl gwneud cais am Lwfans Gofal Plant, byddwch:

- yn gadael neu'n atal astudiaethau
- yn newid eich Darparwr Gofal Plant
- yn dymuno ychwanegu darparwr gofal plant ychwanegol, neu
- angen ychwanegu plentyn arall neu blant eraill at eich Lwfans Gofal Plant nad ydych wedi hawlio amdanynt o'r blaen
- yn symud tŷ – bydd angen i chi ddiweddarau eich amgylchiadau personol ar eich cyfrif BOSS, ond bydd hefyd angen i chi hysbysu'r Tîm Gofal Plant rhag ofn y bydd dogfennau yn cael eu hanfon atoch cyn i'ch manylion newid mewn amgylchiadau gael eu prosesu.

Dylech roi gwybod i ni cyn gynted ag y bo modd, gan y bydd hyn yn effeithio ar eich hawl.

Dylech wneud hyn drwy lawrlwytho a chwblhau Ffurflen CC3 o'r ddolen hon: [Ffurflenni Gofal Plant](#)

### **Ffurflen Taliadau Gofal Plant (CC2)**

Yn ogystal â chyflwyno cais am Lwfans Gofal Plant bob blwyddyn academiaidd, gofynnir i chi, o bryd i'w gilydd, drefnu i'ch darparwr gofal plant cofrestredig lenwi ffurflenni Cadarnhau Taliadau Gofal Plant (CC2) i roi tystiolaeth o'ch costau gofal plant wythnosol gwirioneddol. Dylech chi lenwi Adran 1 ac mae'n rhaid i Adran 2 y ffurflen gael ei llenwi gan eich Darparwr Gofal Plant Cofrestredig yn unig i gadarnhau'r symiau rydych wedi'u talu am ofal plant.

Ni fyddwn yn talu eich rhandaliad lwfans gofal plant nesaf oni bai eich bod wedi dychwelyd ffurflen wedi'i chwblhau erbyn y dyddiad gofynnol. Os byddwch yn dychwelyd eich ffurflen ar ôl y dyddiad hwn, bydd oedi wrth brosesu eich taliad nesaf. Noder y bydd Gwasanaethau Dyfarniadau Myfyrwyr yn gwirio eich costau gofal plant gyda'ch darparw(y)r gofal plant.



GIG  
CYMRU  
NHS  
WALES

Partneriaeth  
Cydwasaethau  
Gwasanaethau Dyfarniadau Myfyrwyr  
Shared Services  
Partnership  
Student Awards Services

Os ydych wedi ein hysbysu o newid i ddarparwr gofal plant cofrestredig newydd, cysylltwch â ni i ofyn am ffurflen Cadarnhau Taliadau Gofal Plant (CC2) er mwyn i'ch darparwr gofal plant gadarnhau eich costau gofal plant gwirioneddol, hyd at ddiwrnod olaf eich plentyn / plant mewn gofal.

## **Twyll**

Os byddwch yn gwrthod datgelu gwybodaeth neu'n darparu gwybodaeth ffug yn fwriadol er mwyn derbyn mwy o arian bwrsariaeth nag y mae gennych yr hawl i'w dderbyn, byddwch yn cyflawni twyll. Os, ar unrhyw adeg, byddwn yn amau bod hawliad yn dwyllodrus, bydd atgyfeiriad yn cael ei wneud at y Gwasanaeth Atal Twyll ar gyfer ymchwiliad pellach.

Os ydych chi'n amau bod rhywun yn hawlio costau gofal plant yn dwyllodrus, gallwch ffonio **Llinell Adrodd am Dwyll a Llygredd y GIG ar 0800 028 40 60** yn rhad ac am ddim i drosglwyddo gwybodaeth yn ddienw. Bydd pob galwad yn gyfrinachol a bydd staff sydd wedi cael hyfforddiant proffesiynol yn ymchwilio i'r mater.

Os caiff ei farnu bod person yn euog o dwyll yn dilyn ymchwiliad, gall y person hwnnw fod yn agored i gael ei erlyn a/neu fod yn destun camau disgyblu.

## **Er enghraifft:**

*Fe wnaeth nyrs dan hyfforddiant gynyddu cost ei gofal plant er mwyn derbyn swm uwch am ei Lwfans Gofal Plant. Yn ddiweddarach, darganfu archwiliad yr anghysondeb a chyfeiriwyd y mater at Wasanaeth Atal Twyll y GIG i ymchwilio i'r mater. Yn ddiweddarach, cyhuddwyd hi o dwyll trwy ymhoniad anwir, yn groes i Adran 2 Deddf Twyll 2006. Plediodd yn euog a gorfu iddi ymgymryd â 120 awr o waith di-dâl ac ad-dalu'r swm o £4,213.23.*